

Communicaziun a las medias

24.11.2016

1/1

"Archiv – 80 onns art grischun"

In'exposiziun annuala per il giubileum da visarte.graubünden

04.12.2016 – 22.01.2017

Vernissascha: sonda, ils 3 da december 2016, a las 17.00

L'exposiziun annuala tradiziunala da las artistas e dals artists grischuns è da return. Suenter ina pausa da dus onns pervia da la renovaziun e da la construcziun dal museum d'art dal Grischun chatta ella ussa puspè sia piazza tradiziunala en las localitads attractivas dal tract nov.

L'onn 2016 festivescha plinavant visarte.grischun, l'associaziun da las artistas e dals artists dal Grischun, ses giubileum dad 80 onns. In bun motiv per cumbinar l'exposiziun annuala cun il giubileum dad 80 onns e per far ina gronda festa cuminaivla da l'art contemporan grischun.

Dals 4 da december 2016 fin ils 22 da schaner 2017 vegnan mussads en il tract nov 46 projects da 54 artistas ed artists davart il tema "archiv".

L'exposiziun annuala 2016 è vegnida publitgada pli baud che usità. En vista al giubileum da visarte.grischun han las artistas ed ils artists survegni l'incumbensa d'elavurar in project davart il tema "archiv". Il cumenzament da l'onn 2016 ha la giuria fatg sia selecziun or da 114 projects inoltrads. Las artistas ed ils artists ch'èn vegnids envidads da la giuria han sin quai concretisà lur projects. Las visitadras ed ils visitaders pon sa legrar d'ina exposiziun che lascha sentir il puls da l'art contemporan e ch'illuminescha en diversas modas il tema "archiv".

Il museum d'art dal Grischun organisescha numerusas occurrenzas spezialas en il rom da l'exposiziun. Nus vulestan menziunar spezialmain ch'i dat durant il temp da l'exposiziun mintga gievgia, da las 17.00 fin las 20.00, ina scuntrada d'artistas ed artists en il café dal museum. A questa scuntrada n'èn betg mo envidads las artistas ed ils artists, mabain er tut las autras personas interessadas.



Amt für Kultur
Uffizi da cultura
Ufficio della cultura

Sper l'exposiziun mussa visarte.grischun ultra da quai sias "Truclas" en il laboratori dal museum d'art dal Grischun. Quests objects d'art en in rom da lain unitar èn vegnids creads da commembras e commembers da visarte e pon vegnir cumprads durant l'exposiziun. Il retgav da la vendita da las "Truclas" va a favur da visarte.grischun.

A chaschun dal giubileum dad 80 onns da visarte.grischun cumpara ina publicaziun.

Glista da las artistas e dals artists participads:

Remo A. Alig, Lukas Bardill + Gabriela Gerber, Guido Baselgia, Mirko Baselgia, Nora Bertogg / Flurina Casty, Gregori Bezzola, Flurin Bischoff, Marc Bundi, Notta Caflisch, Evelina Cajacob, Livio Casanova, Gianin Conrad, Luis Coray/Hermano Santos da Boa Morte / Remo Arpagaus, Damiano Curschellas, Hans Danuser, Christoph Draeger / Heidrun Holzfeind, Seraina Feuerstein, frölicher I bietenhader, Arno Hassler, Chris Hunter, Patricia Jegher, Lilly Keller, Etna Krakenberger, Pascal Lampert, Zilla Leutenegger, Catrin Lüthi K, Gaspere O. Melcher, Ursula Palla, Florio Punter, Christian Ratti, Daniel Rohner, Christoph Rütimann, Thomas Sauter / Thomas Julier, Claudia Schmid, Gaudenz Signorell, Beatrix Sitter-Liver, Venice Spescha, Sandro Steudler, Miguela Tamo, Regula Verdet-Fierz, Hannes Vogel, Katharina Vonow, Bettina Wachter, Wiedemann/Mettler + Ursina Giger, Lydia Wilhelm, Dominik Zehnder

Nus ans allegrain da Voss rapport.

Contact per las medias:
Stephan Kunz
Direktor Bündner Kunstmuseum
T +41 81 257 28 68
stephan.kunz@bkm.gr.ch

per visarte. graubünden:
Menga Dolf
presidenta visarte.graubünden
T +41 79 286 66 80
menga.dolf@bluewin.ch



Amt für Kultur
Uffizi da cultura
Ufficio della cultura